

Yr Arglwydd Dafydd Elis-Thomas AS

Dirprwy Weinidog Diwylliant, Chwaraeon a Thwristiaeth

13 Tachwedd 2020

Annwyl Dafydd,

Rwy'n deall eich bod wedi penodi Dr David Banner MBE; Garffild Lloyd Lewis; Helgard Krause; Siân Gale; Richie Turner a Phil Henfrey yn aelodau o Fwrdd Anweithredol Cymru Greadigol, a Catryn Ramasut yn Gadeirydd.

Hoffwn gynnig fy nghefnogaeth lawn i'r Bwrdd Anweithredol ac rwy'n sicr y bydd yr aelodau yn llwyddo i godi proffil Cymru fel lleoliad lle mae diwydiannau creadigol yn ffynnu. Fodd bynnag, rwyf wedi derbyn rhai ymholiadau, drwy Bethan Sayed AS, cyn-Gadeirydd y Pwyllgor Diwylliant, y Gymraeg a Chyfathrebu, ynghylch y broses o benodi aelodau'r Bwrdd.

Byddwn yn ddiolchgar pe gallech amlinellu ble a phryd yr hysbysebwyd y swyddi hyn, a'r broses ddethol a ddefnyddiwyd i wneud y penodiadau? Mae'r rhai sydd wedi dod ataf fi wedi cwyno nad oeddent yn gwybod bod y penodiadau'n cael eu gwneud, ac nad oedd ganddynt unrhyw wybodaeth am sut i wneud cais am y swyddi.

A oes modd i chi ddarparu'r wybodaeth hon erbyn 20 Tachwedd, er mwyn i mi roi gwybod i'n rhanddeiliaid sydd wedi holi am hyn?

Yn gywir,



**Helen Mary Jones**

Cadeirydd y Pwyllgor Diwylliant, y Gymraeg a Chyfathrebu



**Senedd Cymru**

Bae Caerdydd, Caerdydd, CF99 1SN

✉ [SeneddDGCh@senedd.cymru](mailto:SeneddDGCh@senedd.cymru)

☎ 0300 200 6565

**Welsh Parliament**

Cardiff Bay, Cardiff, CF99 1SN

✉ [SeneddCWLC@senedd.wales](mailto:SeneddCWLC@senedd.wales)

☎ 0300 200 6565



Ein cyf/Our ref

Helen Mary Jones AS  
Cadeirydd  
Y Pwyllgor Diwylliant, y Gymraeg a Chyfathrebu

27 Tachwedd 2020

Annwyl Helen,

Diolch am eich llythyr dyddiedig 13 Tachwedd am Fwrdd Anweithredol Cymru Greadigol.

Pwrpas Bwrdd Cymru Greadigol yw gosod y cyfeiriad ar gyfer cefnogi ac ehangu sector y diwydiannau creadigol yng Nghymru yn y dyfodol. Wrth lansio Cymru Greadigol ym mis Ionawr 2020, gwnaethom wahodd ceisiadau am swyddi Cadeirydd ac Aelodau Anweithredol. Bydd y penodiadau cyhoeddus diweddar hyn yn hanfodol i ddatblygu syniadau newydd, gan roi dealltwriaeth newydd i ni o'r diwydiant a nodi cyfleoedd newydd ar gyfer datblygu'r sector.

Cafodd panel dethol ei benodi a'i gadeirio gan y Cyfarwyddwr Diwylliant, Chwaraeon a Thwristiaeth. Cynhwysai Ddirprwy Gyfarwyddwr Cymru Greadigol ac Aelod Annibynnol. Fel y disgrifiwyd yn y ddogfen ymgeisio, y meini prawf hanfodol ar gyfer y Cadeirydd ac Aelodau'r Bwrdd oedd:

- profiad helaeth o'r diwydiannau creadigol masnachol yng Nghymru;
- dealltwriaeth ddogfen o'r problemau sy'n wynebu diwydiannau creadigol Cymru a syniadau ar gyfer helpu'r sector i dyfu; a
- dealltwriaeth o dirwedd datblygu economaidd y llywodraeth/sector cyhoeddus.

Dyma oedd amserlen y broses recriwtio:

- 29 Ionawr – cyhoeddi proses ymgeisio ar gyfer Bwrdd Anweithredol Cymru Greadigol wrth lansio Cymru Greadigol;
- 3 Chwefror – cyhoeddi hysbysebion ar ein tudalen Penodiadau Cyhoeddus <https://llyw.cymru/penodiadau-cyhoeddus> ac ar wefan Cymru Greadigol, ar y cyfryngau cymdeithasol a chawsant eu cylchredeg at ein rhestr rhanddeiliaid;
- 28 Chwefror – y dyddiad cau ar gyfer ceisiadau. Roedd 30 o geisiadau wedi dod i law;
- 23 Mawrth – oherwydd argyfwng Covid-19, cyhoeddodd Llywodraeth Cymru y câi ymgyrchoedd penodi a phob proses benodi arall eu hatal yn syth. Nid oedd y broses

Bae Caerdydd • Cardiff Bay  
Caerdydd • Cardiff  
CF99 1SN

Canolfan Cyswllt Cyntaf / First Point of Contact Centre:  
0300 0604400

[Gohebiaeth.Dafydd.Elis-Thomas@llyw.cymru](mailto:Gohebiaeth.Dafydd.Elis-Thomas@llyw.cymru)  
[Correspondence.Dafydd.Elis-Thomas@gov.wales](mailto:Correspondence.Dafydd.Elis-Thomas@gov.wales)

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.


We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

sifftio wedi dechrau felly rhoddwyd gwybod i bob ymgeisydd y byddem yn cadw eu ceisiadau tan y byddai'r broses sifftio'n aildechrau;

- 26 Awst – daeth y panel ynghyd i sifftio ceisiadau;
- 9 Medi – llwyddiannus yn y sifft – gwahoddwyd 10 ymgeisydd i gyfweiliad;
- 10 Medi – aflwyddiannus yn y sifft – anfonwyd 20 o llythyrau a rhoddwyd adborth pan ofynnwyd amdano;
- 21, 22 a 23 Medi – cyfweiliadau;
- 6 Hydref – anfon llythyrau penodi;
- 6 Hydref – anfonwyd llythyrau at y rai oedd yn aflwyddiannus yn y cyfweiliad.

Gan obeithio bod yr wybodaeth yn ddigonol. Mae croeso ichi gysylltu â mi eto os oes gennych ragor o gwestiynau.

Yn gywir,



**Yr Arglwydd Elis-Thomas AS/MS**

Y Dirprwy Weinidog Diwylliant, Chwaraeon a Thwristiaeth  
Deputy Minister for Culture, Sport and Tourism